




偃師縣志卷三

翰林院編修孫星衍

偃師縣知縣湯毓倬

同纂



山川志

山屬

北邙山一曰邨山一曰平逢山在縣北二里

中山經稿弒之首曰平逢之山南望伊洛北望穀城

之山無草木無水多沙石

左傳昭二十四年王田北山杜預注北山洛北芒也

元和郡縣志偃師縣北邙山在縣北二里西自洛陽

偃師縣志

卷三 山川志

一

縣界東入鞏縣界舊說云北邙山是隴山之尾乃衆

山總名建亘修互四百餘里

太平寰宇記偃師縣北邙山在縣北二里洛陽縣北

邙山一名邙山在縣北十里一名平逢山亦邨山之

別名也

元豐九域志偃師縣有北邙山

舊志邙山在治西北保駕莊北者曰鳳皇山上有馮

熙冢本名馮王山東二里有師子山世傳明時有仙

人騎鹿過其上蹄痕入石寸許南二里許為峩眉嶺

兩山對列如眉

首陽山一曰首山一曰黃山在縣西北二十八里

文選注論語比考識仲尼曰吾聞堯率舜等升首山觀河渚乃有五老遊渚五老曰河圖將浮龍銜玉苞刻版題命可卷金泥玉檢封書成知我者重瞳黃姚視五老飛爲流星上入昴

中山經中次三經黃山之首曰敖岸之山又云祁山吉神泰逢司之其狀如人而虎尾是好居於黃山之陽出入有光

水經注河水又東逕平縣故城北河水南對首陽山春秋所謂首戴也夷齊之歌所矣曰登彼西山又云

偃師縣志

卷三 山川志

二

呂氏春秋曰夏后氏孔甲田於東陽黃山遇大風雨迷惑入於民室皇甫謐帝王世紀以爲卽東首陽山也蓋是山之殊目矣昔帝堯修壇河洛擇良議沈率舜等升於首山而導河渚有五老遊焉相謂河圖將來告帝以期知我者重瞳也五老乃翻爲流星而升於昴卽於此也

隋書地理志偃師有首陽山鞏有東首陽山

元和郡縣志偃師有首陽山在縣西二十五里

太平廣記後魏明帝正光二年夏六月首陽山中有晚虹下飲於谿泉有樵人楊萬於嶺下見之良久化

爲女子年如十六七異之問不言乃告蒲津戍將宇文顯取之以聞明帝召入宮見其容兒姝美問云我天女也暫降人間帝欲逼幸其色甚難乃令左右擁抱聲如鐘磬化爲虹而上天出入廟窮經錄

元豐九域志偃師有首陽山

舊志有桃頭及羊蹄諸峯東有九龍山下有天平嶺又東二里許爲鏡鉞嶺又東三里爲龍虎背東七里爲磨盤山又東五里爲靈龜山又東九里爲石崗峭壁危巒五七八里

星衍按今縣南有夏后邨疑卽孔甲入於民室之遺

偃師縣志

卷三

山川志

三

阯也隋志分東首陽山入鞏蓋其連麓太平寰宇記云虹化美女之事乃竊告蒲津戍將則是蒲州首陽故事誤入此明一統志云詩采芩采芩首陽之巔卽此考詩傳云首陽山名也孔穎達正義云在河東蒲坂縣南則非此名矣

半石山在縣東南五十里

中山經半石之山其上有草焉生而秀其高丈餘赤葉赤華華而不實其名曰嘉榮服之不靈

水經注伊尹又北逕高都城東來儒之水出於半石之山

太平寰宇記緱氏縣半石山在縣南十五里

金史地里志偃師有半石山

府志半石山卽萬安山一名石林山

舊志萬安山在縣南五十里九峯相連一名九龍山
東北有黃麓岡迤西有大廟嶺小廟嶺

緱氏山在縣南四十里

劉向列仙傳王子喬見桓良曰告我家七月七日待
我於緱氏山巔至時果乘白鶴駐山頭望之不得舉
手謝時人數日而去

水經注休水又東屈零星塢水流潛通重源又發側

偃師縣志

卷三

山川志

四

緱氏原開山圖謂之緱氏山也亦云仙者升焉言王
子喬控鶴斯阜靈王望而不得近舉手謝而去其家
得遺屣俗亦謂之爲撫父堆堆上有子晉祠或言九
山非此世代已遠莫能辨之劉向列仙傳云世有簫
管之聲焉此句列仙傳今脫

元和郡縣志緱氏縣緱氏山在縣東二十九里王子
晉得仙處

太平寰宇記緱氏縣緱氏山在縣東南二十里山上
有石室飯鶴池按盧氏嵩山記云覆釜堆亦名赴父
堆卽緱氏嶺也

明一統志縑氏在縣南四十里

景山在縣南二十里一日懷來山一日太平山

曹植洛神賦逕通谷陵景山李善注河南郡圖經曰

景山縑氏縣南七里

隋書地里志縑氏有景山

唐書地里志縑氏有和陵在太平山本懷來山天祐

元年更名

太平寰宇記縑氏縣有景山在縣東北八里

舊志一名太子嶺詩商領陟彼景山松栢九九唐太

子宏嶺在焉其峯最高者名潘家岡西爲白雲山雲

偃師縣志

卷三 山川志

五

出卽雨山下有紫雲洞

星衍按明一統志方輿記要及通志皆云景山在縣

南二十里詩景員維河卽此其說不經詩傳景大負

均並非山名故太平寰宇記亦止以爲洛神賦之景山

毓倬按白雲山西盡處其下有白雲洞巖壑竒秀深

窅有寺觀可遊眺舊志誤爲紫雲洞

酈山

水經注陽渠水又東流逕漢廣野君酈食其廟南在

北山上成公綏所謂偃師西也

隋書地里志偃師縣有酈山

乾脯山

隋書地理志偃師有乾脯山

太平寰宇記偃師縣有乾脯山九州要記云周敬王於此瞻乾脯因以爲名

河南府志疑卽景山

軒轅山在縣東南六十里

隋書地理志緱氏有軒轅山

通典緱氏有軒轅山

舊志西五里南折爲五華坪又西爲磨磨山

百坏山在縣南五十里

偃師縣志

卷三

山川志

六

劉昭注郡國志緱氏案本紀有百坏山

舊志和帝幸此北有鳳皇崗土建少魏廟廟有透玲

碑光潤瑩徹如晶

覆舟山

太平寰宇記緱氏縣有覆舟山九州要記云昔盧口

登嵩嶽望覆舟如蟻垤黃河如帶又陶季述京邦記

云周回二十里下有林號白水苑是也

玉女山

太平寰宇記緱氏縣玉女山在縣東南三十五里

尸鄉北山

水經注此山卽祝雞翁之故居也搜神記曰祝雞翁者洛陽人也居尸鄉北山下養雞百年餘雞至千餘頭皆有名字欲取呼之名則種別而至後之吳山莫知所去矣

鳳臺山在縣東二十里

太平寰宇記縯氏縣鳳臺山在縣東三十里佛光谷內明一統志鳳皇山在縣東二十里

方輿紀要鳳臺山在偃師東二十里按鞏縣界本名魯王山宋天聖八年建太祖太宗真宗會聖官於上改名鳳皇山

偃師縣志

卷三 山川志

七

靈龜山在縣北十里

宋燕府君神道碑唐許州司戶參軍燕欽融墓宋人建會聖宮逼近墓乃遷於靈龜山東北去長宏墓七百九十一步西去王弼墓五里十三步

浮山在縣西南九十里

通志浮山在縣西南九十里上有浮邱公廟

馬鞍山

舊志上有石室崖俗名瓦間堂下有燭光山石色青赤五峯並列如炎火又西南五里爲鸚鵡背西爲麒麟山又西五里爲望軍樓山下有石洞又西四里懷

州寨山世傳懷王屯兵處又西十里爲封門口山又西五里爲將軍帽山西北爲師子谷有雞兒溝內有石類雞谷云能鳴又西五里爲素珠嶺又有兩里曰石郊又西北五里爲焦山西南六里爲小陽山

青蘿山在縣西南五十五里

舊志上建祖師廟

中南山在縣西南

舊志相傳爲韓湘子煉丹處下有邨曰灰堆西北五里爲鳳皇坪

牛心山在縣西南五十五里

偃師縣志

卷三 山川志

八

舊志以形似名西三里爲箕掌嶺又西北爲豹子嶺西五里爲浮山又西二里爲虎元岡岡西三里爲太

后岡有漢薄太后廟一名太尉岡

黃馬坂在緱氏保西北十里

太平寰宇記緱氏縣黃馬坂在縣西北十里戴延之西征記云次前黃馬坂去計素渚十里卽此是也

星衍按今縣西有黃鱗崖疑卽黃馬坂馬鱗聲相近而水經注言河水又東經黃馬坂今在伊水上與古不合

鄂嶺坂在緱氏保東南三十七里

元和郡縣志緱氏縣鄂嶺坂在縣東南三十七里
八王故事曰范陽王保於鄂嶺坂後於其上置關
輓轅坂

元和郡縣志緱氏縣輓轅山在縣東南四十里
亳阪

晉太康地記尸鄉南有亳阪

靈星陽

水經注休水北歷覆釜堆東又東屈靈星陽

太平寰宇記緱氏縣有靈星陽盧氏嵩山記云此陽
有道士浮邱公接太子晉登仙之所也

偃師縣志

卷三 山川志

九

栢谷陽

水經注洛水又東逕百谷陽戴延之西征記云塢在
川南因高爲塢高十餘丈劉武王西入長安舟師所
保也

太平寰宇記緱氏縣有栢谷塢戴延之西征記云塢
在川南因原爲塢高數丈在縣東姚洸部將趙元所
守爲壇王所破塢西有二寺在原上入谷數十步又
有二佛精巧美利有牛舂馬簸水碓之利

毓倬按晉書義熙十二年劉裕伐秦軍至成臯秦姚
洸鎮雒陽使趙元屯栢谷塢以拒裕裕使毛德祖擊

敗之因營栢谷塢築三壘相連曰鈎鎖遂拔洛陽唐
裴灌少林寺碑記內云寺西北五十里有栢谷塢羣
峯合沓深谷透迤複磴緣雲俯窺龍界高峯佛日旁
臨烏道居晉成陽在齊爲郡王世充僭號署曰贛州
乘其地險以立烽戍將圖梵宮少林寺僧志惠暘曇
宗等率衆以拒執充姪仁則以歸太宗太宗嘉其義
烈類降璽書賜地四十頃水碾一具卽栢谷莊也舊
志載卽緱氏鎮東七里之栢圪堵而未詳其形勝與
古栢合羣鉅修郡志遂以鞏縣百谷當之駁舊志爲
誤余心疑童說以修邑乘因親勘焉由景山西麓入
偃師縣志

卷三

山川志

十

谷峭壁夾峙豁訝詰曲虧蔽曠景卽戴延之西征記
所謂谷中無迴車地曩聞緣谷皆栢今斫伐無餘谷
前爲塢高十餘丈俯臨休水其巔有寺人猶以塢上
稱之卽名勝志所謂塢西有寺今寺左磴道螺旋下
躡無際老栢數株盤拏譎詭猶古時物卽裴灌記中
所謂高峯佛日傍臨烏道者也塢前休水平澗卽西
征記宋武帝舟師所堡後唐太宗擊緱氏沉運艘三
十舵應卽在此川之北有壘二其南壘一皆濶十餘
丈與鵠犄角鈎連卽宋武帝所設三鈎鎖壘一壘亦
有寺與寰宇記塢西有二寺相合年久壘被水衝齧

猶有雄槩塢左右馬家金家顧家等屯爲歷代耕戍地卽唐賜少林寺之莊田登陽而望萬安少室羅於前伊洛休劉繞於右伊闕西連轅轅東峙負險阻深有鯨吐虎踞之勢其後司馬徽所逃咸陽王熙所屯宇文泰所攻王世充所立戊李密所控據皆在焉窺東都趨陽城者必扼之以蓄批亢擣虛之勢後周曾自洛陽移緱氏縣於鈎鎖故壘是栢圪墻卽栢谷塢攻古証今確然無疑童鈺旣未查休水入洛處與鞏縣界中隔景山相去二十餘里誤以景山東黎樹溝水爲休水遂云鳴在鞏偃交界休水上卽云休水古

偃師縣志

卷三 山川志

七

獨入洛今改流會伊水入洛然皆近緱氏鎮數里內爲偃師正中地豈有越景山以流入鞏縣界之理又未查栢圪墻前休水平澗可容舟師誤云在重嶺絕澗不可泊舟將水經注休水入洛水逕栢谷塢又會陽渠水又北逕偃師次序紊亂改裴灌記中在少林寺西北五十里爲東北改鈎鎖三壘爲二壘不知當日何以堅執廻護若此今詳爲辨正於左惟述征記以栢谷塢卽漢武帝徵行逆旅主人不納之栢谷亭細釋漢書上下文亭之地當在鄆杜上林間非偃師栢谷塢耳至一統志以栢谷塢在宜陽則更荒唐無

足辨矣

洛洞

太平寰宇記偃師縣有洛洞劉義慶幽明錄曰洛下有洞昔有婦人推其夫下岸乃得一穴行百餘里覺踐如塵墩之裏以爲糧行至文州以問張華云洛洞仙人所處在縣東南

通志浮邱洞在縣東南浮邱修道之所

星衍按浮邱洞卽洛洞也

石室在縣東南

太平寰宇記劉澄之永初記云尸鄉有石室有仇生

偃師縣志

卷三

山川志

三

者居焉

通志石室洞在縣南

僵人穴

水經注温泉水側有僵人穴穴中有僵尸戴延之從劉武王西征記曰有此尸尸今猶在夫物無不化之理魄無不遷之道而此尸無神識事同木偶之狀喻其推移未若正形之速遷矣

毓倬按舊水經注刻作重人穴今从武英殿校本正作僵

石岡在鳳臺山東八里

按舊志邛山少石惟此山石壁峭立峯巒蒼秀下臨洛水與鞏縣黑石關東西相望俗名割截

豸龍巖

舊志緱氏山其上多金玉少草木有豸龍巖

星衍按卽劉累豸龍之地故偃師有劉累城有劉氏

後遷魯陽

委粟嶺在縣西南五十里

舊志云宋修陵採石委粟於此故名

香爐峯在縣東南六十里

通志在縣東南六十里其峯蒼翠峭拔狀似香爐

偃師縣志

卷三

山川志

三

百里坪在縣南五十里

川屬

洛水自洛陽縣來東流伊水東北注之又東逕縣南休水西北注之又東北屈曰曲洛又東與鄆水合曰鄆中又東入鞏縣界

穆天子傳天子遊於黃澤宿於曲洛

水經注洛水又東過洛陽縣南伊水從西來注之又東過偃師縣南鄆道元注洛水逕百谷塢北又北逕偃師城東東北歷鄆中

元和郡縣志緱氏縣洛水自西洛陽界流入

太平寰宇記偃師縣曲洛穆天子傳天子東遊於黃
澤宿於曲洛今縣東洛北有曲河驛以洛水之曲爲
名洛經其南

元豐九域志偃師有曲洛

舊志洛水原出陝西洛南縣冢嶺山東流經盧氏永
寧宜陽洛陽至故洛陽城東義井舖南入偃師縣境
流經桑園頭岳家灘東一里許伊水自西南東注之
伊水自洛陽縣來東北流合水北注之又東入於洛

水經注地記曰洛水東入於中提山間東流會於伊
是也昔黃帝之時天大霧三日帝遊洛水之上見大

偃師縣志

卷三 山川志

四

魚殺五牲以醮之天乃甚雨七日七夜魚流始得圖
書今柯圖視萌芽是也昔王子晉好吹鳳笙招延道
士與浮邱同遊伊洛之浦含始又受玉雞之瑞於此
水亦洛神宓妃之所在也又云伊水自闕東北流枝
津右出焉東北引漑東會合水同注公路澗入於洛
今無水

通志楊柳渡在縣南卽伊洛會流之處

舊志伊水源出盧氏縣閭頓嶺流經宜陽嵩縣洛陽
由伊闕北轉折東又北至趙家寨入偃師縣境流逕
香椿厓渡東北逕佛灘頭東流逕段家灣北迤東二

里許劉澗水自西來注之

合水出縣西山右合雙泉單泉北流劉水西北注之又北入於伊一曰公路澗一曰光祿澗

中山經半石之山合水出於其陰而北流注於洛多騰魚狀如鰈居遶蒼文赤尾食者不癯可以爲瘿水經注洛水又東合水南出半石之山北逕合水塢而又東北流注於公路澗但世俗音譌號之光祿澗非也上有袁術固四周絕澗有一水淵而不流故澗澗卽其名也合水北與劉水合又北流注於洛水也通典偃師縣西南有公路澗俗云光祿澗

偃師縣志

卷三

山川志

五

太平寰宇記緜氏縣公路澗在縣西南三里

通志公路澗在縣西南

星衍按圖經栢葉溝出縣南山與雙泉單泉合北流右合一水北入於洛卽合水也

童鈺曰按舊志誤以合水二源一爲合水一爲劉澗水又誤以劉澗水爲休水與酈注不合由不知今緜氏非古緜氏且不詳休水不入合水也又云按合水出半石山今名青蘿山有二源一爲鮑魚溝水一爲楊家溝水至姬家邨合流是爲合水旁有單泉注所謂一水淵而不流者也

星衍按圖經合水經注則鮑魚溝水乃劉水也

劉水在縣西南五十里入於合水

水經注合水北與劉水合水出半石東山西北流逕劉聚三面臨澗在緱氏西南周畿內劉子國故謂之劉澗其水西北流注於合水

通志劉澗河在縣西南五十里周劉康公食邑於此舊志劉水源出縣南五十里青蘿山鮑魚溝水經注云水出半石東山西北流於劉聚三面臨澗在緱氏西南周畿內劉子國卽此今由孫寨西流而北崖東有雙泉又北至碾子河寺兒溝水自東南來入之寺

偃師縣志

卷三 山川志

六

兒溝水出西九龍山下溝中有二源又北二里至姬家邨北楊橋溝水自西南來入之楊家溝水出青蘿山西北百步嶺有泉翻湧如沸土人呼爲將軍泉流經翟家寨西北流至姬家邨北與劉澗水會東崖有單泉廣丈餘深五尺世傳唐終南山王祖師尋其友張神童至此有金蓮七朶生於池內故亦名金蓮池攷水經注一水淵而不流今單泉水泓澄淵涵不能下注是矣單泉東半里卽劉水之源水經注云劉水出半石東山則半石山應在二水之間今二水相望約四五里中夾高阜俗呼爲鳳凰坪與水經注所稱

袁術固四周絕澗迢遞百仞廣四五里正合知此卽合水水經注云谿澗卽其名今水自姬家邨北與劉水會又號劉澗河則是以谿澗劉水合而得其名也北流自陶化店東南休水自東南來入之

童鈺曰劉水今馬澗河源出佛光峇名珍珠泉出東西九龍口注於劉澗西九龍口卽半石東山

星衍按縣圖經梨樹溝水出馬鞍山西北流石合一水曰鮑魚溝又西北至姬家邨入於合水卽劉水也休水自登封來西北流左合一水又西北至縣南入於

洛

偃師縣志

卷三 山川志

七

中山經少室之山休水出焉而北流注於洛其中多鱗魚狀如鱉雌而長距足白而對食者無蠱疾可以禦兵

水經注洛水又東逕計素澗又東值偃師故縣南與緱氏分水又東休水自南注之其水導源少室山西流逕穴山南又左會南谿水又西南北屈潛流地下其故瀆北屈出峽謂之大穴口北歷覆釜堆東又東屈零星鳴水流潛迥重源又發側緱氏原又逕延壽城南緱氏縣治又西轉北屈逕其城西又北流注於洛水

舊志休水源出縣東南六十里萬安山後谷栢葉溝
中西流佛光寺南寺前有白松樹皮類雪大十餘圍
有馬跑泉泉出平地世傳唐元奘自西域還所乘之
馬跑地得泉故名又有暖泉出寺北冬溫夏涼深丈
餘泉水湧翻如珠又名珍珠泉下流漑粳稻數畝合
馬跑泉注於休水再西三里馬鞍山水自南來會之
水經注云休水導源少室山西又左會南谿水發大
穴南山卽今馬鞍山北流入休水休水又西南北屈潛流
地下其故瀆北屈出峽謂之大穴口今按萬安山後
谷水正在少室之西至佛光谷西與馬鞍山南谿水

偃師縣志

卷三 山川志

六

合水歸於北故謂西爲左水經注所言左會南谿水
卽此又由佛光谷西流六七里卽涸正其潛流地下
處兩山相對爲峽今水道正由萬安百坯兩山之間

北出下卽口子邨則所謂出峽爲大穴口此其是矣

北流經緱山西水經注休水北歷覆釜堆東疑西字訛

物象受名一名撫父堆堆上有子晉祠今緱山上有

子晉廟唐武后碑存焉卽此又西北俗名馬澗河又

云拜澗馬河相傳子晉乘鶴升仙棄所乘之馬於此

鄉人拜之因名又西北至邱家灣水復出水經注所

云發側緱氏原也屈而西經陳家河至緱氏鎮北二

里造紙河又西由王家河至陶店南與劉澗水會
水經注休水又經延壽城南緜氏縣治西轉北屈逕
其城西又北流注於洛水今則經緜氏鎮北與劉澗
水會至段家灣東先會伊水後注於洛或古緜氏治
非今鎮地古今陵谷變遷不同耳伊水又東屈而北
逕安家灘西由王家莊渡岳家莊渡東一里許與洛
水會洛水又東經棗莊渡楊邨渡東梨樹溝諸水入
之梨樹溝水出萬安山下西北流一里許黃龍泉自
東來會水出寨子邨東溝與梨樹溝相望遙隔一岑
再西北流經韋家埕南至二龍溝夾溝水自南來會
之夾溝水源出夾溝邨西南萬安山下溝中西岸有
旅停廟又名旅停泉舊流至旅停廟北半里許卽潛
地下至夾溝橋下復出乾隆元年不復潛流橋下與
橋下泉水合至二龍溝與梨樹水會北流至府店鎮
東經望仙橋北靈泉水自東流注之

毓倬按出萬安山中之水有二西爲休水由緜山西
流逕栢谷塢西段家灣會伊水洛東爲梨樹溝水由
緜山東流逕古滑城又名滑城河下二龍溝至史家
灣繞楊邨入洛與休水上隔緜山下隔景山東西相
距三十里童鈺誤指梨樹溝爲休水不可從

鄠水在縣東北十一里與鞏縣分界南入於洛一曰温泉

左傳昭二十三年郊鄠潰杜預注河南鞏縣西南有地名鄠中

說文鄠周邑也

郡國志鞏有鄠谷水

水經注洛水又北逕偃師城東東北歷鄠中水南謂之南鄠亦曰上鄠也逕訾城西司馬彪所謂訾聚也而鄠水注之水出北山鄠谿其水南流世謂之温泉鄠水又東南於訾城西北東入洛水故京相璠曰今

偃師縣志

卷三

山川志

三

鞏洛渡北有鄠谷水東入洛謂之下鄠故有上鄠下鄠之名亦謂之北鄠於是有南鄠北鄠之稱矣括地志温泉卽鄠谿出洛州鞏縣西南四十里又云又有故鄠城在鞏縣西南五十八里按洛州緱氏縣東南四十里與鄠谿相近之地

明一統志鄠谿在縣東北一十四里有蓮池夏冷冬煖舊志鄠水其源有二俱在邙山之麓一出縣東十八里温泉寺一出縣東十五里温泉寺旁康熙初知縣崔鳴鶯疏濬開渠民資灌溉其出孫家溝者南流八里許與此水會南流入洛

半馬澗在縣南三十里一曰百馬澗一曰拜馬澗

太平寰宇記緱氏縣有半馬澗按盧元明嵩山記云半馬澗入或云百馬澗亦曰拜馬澗古老傳王喬得仙而馬還國人思之不見乃拜其馬於此也按在佛光谷下徹公路澗

明一統志拜馬澗在縣南三十里

洛鹿澗在縣南三十五里

嵩山記王子晉學道於洛鹿澗澗旁有靈星塢

明一統志洛鹿澗在縣南三十五里

七里澗在縣西故穀水

偃師縣志

卷三 山川志

三

水經注穀水又東注鴻池陂其水又東合七里澗晉後略曰成都王使吳人陸機爲前鋒都督伐京師輕進爲洛軍所乘大敗於鹿苑人相登躡死於塹中及七里澗澗爲之滿卽是澗也穀水又東逕偃師城南又東流注於洛水矣

計素渚在縣境

水經注洛水又東逕計素渚中朝時百國貢計所頓故渚得其名又直偃師故縣南與緱氏分水

太平寰宇記戴延之西征記云次前至黃馬坂去計

素渚十里

星衍按西征記云黃馬坂去計素渚十里則此坂卽
今黃蟒崖也蟒馬聲相近而水經注以黃馬坂爲河
水所逕與今伊水上坂不合未知何故

賀瀾谿在緜氏保南四十里

太平寰宇記緜氏縣瀾谿在縣南八里

舊志蘭谿舊云在縣南四十里今無考

雙泉在縣南六十里俗曰甘露泉

太平寰宇記緜氏縣雙泉在縣南十里

明一統志雙泉在縣南二水並出

通志甘露泉在縣南細流如綫其味苦

偃師縣志

卷三

山川志

三

舊志甘露泉出縣南六十里焰光山

靈泉在縣南三十五里

宋政和四年張挺撰碑云崧高之下曰緜氏山距山
不遠遺冢具存民俗傳爲浮邱藏劍之所卽其巔構
祠以祀焉政和二年夏六月泉出庭下澄澈如鑑體
甘過飴映帶清流人初易之俄鷗鳧泳者輒死病者
請禱飲之卽愈

舊志靈泉出水源出府店鎮東靈泉溝宋時始出體
甘如飴張挺有記久涸乾隆初復出經浮邱公廟前
與梨樹溝水會爲五龍口西迤遶府店鎮北屈而西

北至江邨寨北滑城泉自東來注之又有乾河自東
北通焉乾河出鞏縣鳳凰山經偃師韓家莊與此水
會山雨泛漲則水大至非雨常涸又西北流經馬家
屯折而東北經鞏縣李家屯折而西又折而東北經
顧家屯燒灰埕至史家灣東折而西北東注於洛
舊云乾河在治南史家灣北入伊洛蓋以其時諸水
俱涸故也河東有鞏偃交界碑康熙二十五年立洛
水又東至孫家灣東鄴溪水自北來注之

二龍溝水出縣北二里邨山麓

舊志二龍溝水源出治北二里許邨山之麓有潭澄

偃師縣志

卷三

山川志

三

澈如鑑禱雨輒應康熙初知縣崔鳴鶯濬疏成渠南
流遶白虎堰西折而東逕王公堤前與湯王溝水合
今涸

毓倬按乾隆二十六年溝水衝北城知縣王垂絡鑿
渠重建二橋使安流入洛今利之

湯王溝水出縣東北四里邨山南麓

舊志湯王溝水源出治東北四里邨山南麓湯王廟
前有潭深丈餘知縣崔鳴鶯與二龍溝水同時疏濬
成渠流經王公堤外南與二龍溝水會入洛後涸乾
隆八年復出南流里許而止

五龍廟溝水出縣東北十五里邛山南麓

舊志五龍廟溝水源出治東北十五里邛山南麓有泉南流里許而止

五龍潭在縣西南七十里

舊志五龍潭水深丈餘澄澈如鑑旱潦無增減禱雨輒應

黑龍泉在縣西北二十里首陽山

舊志黑龍泉在治西北二十里出首陽山元帝廟下國初其水甚大某年枯雍正復出南流里許而止

冷水洞在縣南府店東望嵩橋下

偃師縣志

卷三 山川志

十四

舊志冷水洞在縣南府店東望嵩橋下有池水冷切入骨今涸

鸞豬洞在縣南仙君保

舊志鸞豬洞在縣南仙君保昔有鸞豬處此土人獲之故名未詳何處

牛角川在縣南二十五里

舊志牛角川在縣南二十五里以形名今無攷

張公泉在縣南緱氏保

舊志張公泉在縣南緱氏保俗傳宋時有張公取飲之故名今涸

過仙洞在縣南石橋保

舊志過仙洞在縣南石橋保其洞可通人行一名穿山洞未詳何處今首陽山羊蹄峯東有黑山凹雍正初土人掘石得洞取火視之其中寬者數丈狹者纔通人行咸有劈鑿痕行二里許火滅不敢復前不知深幾里也疑卽此洞土人出卽封其口今不復識

陽渠自洛陽來經縣境一曰九曲瀆

水經注洛水逕百谷塢北洛水又北陽渠水注之洛水又北逕偃師城東又云穀水又自樂里道屈而東出陽渠又東逕馬市石橋是渠今引穀水按陸機洛

偃師縣志

卷三 山川志

三

陽記劉徵之永初記言城之西面有陽渠周公制之也亦謂之九曲瀆故河南十二縣境簿云九曲瀆在河南鞏縣西西至洛陽又按傅暢晉書云都水使者陳狼鑿運渠從洛口入注九曲至東陽門是以阮嗣宗詠懷詩所謂朝出上東門遙望首陽岑又言遙遙九曲間裴回欲何之者也又云陽渠水又東流逕漢廣野君鄴食其廟南廟在北山上成公綏所謂偃師西山也陽渠水又東逕亭殷南

星衍按晉廢偃師則鞏縣與洛陽接境河南十二縣竟簿云九曲瀆在鞏縣西西至洛陽則正經偃師縣

境矣

伊水枝渠在縣西南入於洛

水經注伊水自闕東北流枝津右出焉東北引溉東會合水同注公路澗入於洛今無水戰國策曰東周欲爲田西周不下水蘓子見西周君曰今不下水所以富東周也民皆種他種欲貧之不如下水以病之東周不必復種稻種稻而復奪之是東周受命於君矣西周遂下水卽是水之故渠也伊水又東北枝渠左出焉水積成湖北流注於洛今無水

星衍按東周卽鞏縣也伊水右枝渠當起洛陽入偃
偃師縣志

卷三

山川志

美

師與公路澗合水會又東當與休水會乃入鞏縣界所謂下水東周也

童鈺曰合水者今段家灣水也上爲公路澗伊水不能與合水同注深澗合水出澗口乃得合流鄭注文當有誤又云道元時伊洛在洛陽合流今伊入洛在偃師正南側伊水左枝渠亦偃師水利所必講不獨右枝渠也

通濟渠

隋書煬帝紀大業元年三月發河南諸郡男女百餘萬開通濟渠自西苑引穀洛水達於河

通鑑武德元年九月世充出師擊密癸丑至偃師營
於通濟渠南作三橋於渠上

方輿記要通濟渠在偃師縣南故陽渠也隋時修導
之

通山溝在縣西北三十里南起邛山北通孟津疑古九
水

明一統志通山溝在縣西北三十里深二丈濶百尺
南起邛山北通孟津

方輿記要昔以邛山澗谷之水并流入洛每遇霖潦
輒致泛溢因此爲溝導之入河

偃師縣志

卷三

山川志

七

星衍按中山經和山實惟河之九都五曲九水出焉
合而北流注於河水經注河水逕平縣故城東又東
溴水入焉或以爲卽通山溝未敢定之

王公堤在縣城外長九里濶二丈明知縣王環所築
白虎堰在縣北

舊志黑龍溝水衝城爲害元元統間築堤橫當城門
西折南障溝水東西分流環縣城至許家莊合流入
洛

二龍溝水渠在縣北湯王溝水渠在縣東北

舊志二龍溝水南流遶白虎堰西折而東逕王公堤

前與湯王溝水合而入洛康熙初知縣崔鳴鶯濬成渠

義井舊志有二一在石橋鄉人孫氏所鑿一在治西三十里馮王廟前鄉人所鑿以濟大道行人之渴

烈婦井在縣南金程晉妻死所

通志烈婦井在縣南金程晉妻彭氏爲軍士所刃欲汚之投井死因名之

城內烈婦井

舊志崇禎間烈婦蘭氏死節之所

井渠在縣境

偃師縣志

卷三

山川志

天

星衍按井渠始自漢河渠書云發卒萬餘人穿渠自徵引洛水至商顏下岸善崩深者四十餘丈徃徃爲井井下相通行水井渠之生自此始是也此龍首渠今在陝西同州予以乾隆五十一年四月至雍正豫道出偃師於時天久不雨自關以外麥苗黃落惟偃師境中多有井渠施水車鹿盧駕以牛馬四圍隴畝藉以灌溉青苗蔚然異於他縣乃知井渠之益特察其田疇自是富家之產民間無力穿井故其利不廣偃師城南伊洛交會伊水在右枝渠東出又古者陽渠經歷之處穀水亦至此焉所謂七里澗也如得夏

有司攷求溝洫故道並爲堤堰則水旱可以無患觀
戰國策東西周下水之勢仿周公陳狼九曲故濱之
迹豈非立功勳民之急務與或復畏難則偃師地近
伊洛谿澗四州江南水車之法疑亦可率民行之又
皆遷土水開穿丈許便可得泉所在井渠是其明効
若爲籌鑿百數十井並買器具貧民運用以防旱燥
亦一時之利予所以於縣中故渠采摭書傳以俟民
之父母加意於斯徃在關中巡撫畢公欲通長安城
南隋龍首故渠屬余作漕渠攷綜核古今瞻眺地勢
並手圖漢唐故道呈之於公會公移鎮中州其事遂

偃師縣志

卷三

山川志

无

寢公嘗留意溝洫曾奏修涇陽鄭白故渠及各府縣
水利民獲其益今來中州新政之美聞於朝野會與
余論井渠之法及言偃師地勢又三致意焉余退而
攷之如右

